



Broj: KSI-09-250/24

Datum: 23.12.2024. godine

Na osnovu člana 32 Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25 stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“ broj: 19/21), postupajući po anonimnoj prijavi od 06.12.2024. godine protiv [REDACTED] Javne zdravstvene ustanove "Zdravstveni centar Brčko" Brčko distrikt BiH, kao nosioca javne funkcije, na 108. sjednici održanoj dana 23.12.2024. godine, donosi

## ODLUKU

Postupak za odlučivanje o sukobu interesa protiv nosioca javne funkcije, [REDACTED] Javne zdravstvene ustanove "Zdravstveni centar Brčko" Brčko distrikt BiH, neće se pokrenuti, s obzirom da iz prikupljenih podataka i dokumentacije ne proizlazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

## Образложење

Dana 06.12.2024. godine Komisija za odlučivanje o sukobu interesa putem pošte zaprimila je anonimnu prijavu, radi sumnje na povredu odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanje sukoba interesa, protiv [REDACTED] Javne zdravstvene ustanove "Zdravstveni centar Brčko" Brčko distrikt BiH.

U prijavi je navedeno da je [REDACTED], nosilac javne funkcije, [REDACTED] Javne zdravstvene ustanove "Zdravstveni centar Brčko" Brčko distrikt BiH, postao vlasnik luksuznog automobila marke „Audi“, model Q7, koje vozilo je kupljeno u firmi „Brčko gas“ d.o.o. Brčko, i plaćeno između 140.000,00 KM i 150.000,00 KM. Takođe, prijavom je traženo da Komisija, zajedno sa nadležnim organima, provjeri da li je slučajnost da rashodi u brčanskom zdravstvu značajno rastu, dok lični prihodi imenovanog nosioca javne funkcije „značajno i gotovo proporcionalno rastu, samo što su skriveni“.

Članom 2 tačka c) Zakona o sprečavanju sukoba interesa u institucijama Brčko distrikta Bosne i Hercegovine propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima

kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Uvidom u Registar javnih funkcija i nosilaca javne funkcije, koje vodi Komisija, utvrđeno je da [REDACTED] obavlja funkciju [REDACTED] Javne zdravstvene ustanove "Zdravstveni centar Brčko" Brčko distrikt BiH, na osnovu Odluke broj: [REDACTED], te je obavezan postupati u skladu s odredbama Zakona o sprečavanju sukoba interesa u institucijama Brčko distrikta Bosne i Hercegovine.

Postupajući po navedenoj prijavi, Komisija je uputila zahtjeve za dostavu podataka nadležnim institucijama koje vode registre pokretnih stvari, odnosno Odjeljenju za javni registar Vlade Brčko distrikta BiH, Ministarstvu unutrašnjih poslova RS, PU Bijeljina kao i samom nosiocu javne funkcije kako bi se izjasnio na navode iz prijave.

[REDACTED], nosilac javne funkcije, u svom izjašnjenju od 16.12.2024. godine naveo je da nije vlasnik predmetnog vozila, niti ima saznanja da institucija u kojoj je zaposlen raspolaže takvim vozilom.

Ministarstvo unutrašnjih poslova Republike Srpske, PU Bijeljina, aktom broj: [REDACTED] [REDACTED] godine, u prilogu je dostavilo kartone vozila za [REDACTED], nosioca javne funkcije, i [REDACTED], bračnog druga nosioca javne funkcije. Provjerom kroz elektronsku evidenciju registrovanih vozila koja se vodi u PU Bijeljina, utvrđeno je da je [REDACTED], vlasnik putničkog motornog vozila marke [REDACTED], reg. oznaka [REDACTED], godina proizvodnje [REDACTED], dok je [REDACTED], vlasnik putničkog motornog vozila marke [REDACTED], reg. oznaka [REDACTED], godina proizvodnje [REDACTED], a kako je to nosilac javne funkcije u Izvještaju o imovinskom stanju, na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja - Aneksu II, i naveo. Zahtjevom za dostavu podataka koji je upućen Odjeljenju za javni registar Vlade Brčko distrikta BiH tražena je dostava podataka o pokretnim stvarima za nosioca javne funkcije i članove njegovog zajedničkog domaćinstva u kojem je ostavljen rok od 3 (tri) dana za dostavu istih, uz napomenu da će Komisija u slučaju nedostavljanja podataka u propisanom roku, smatrati da organ takvim podacima ne raspolaže. S obzirom na činjenicu da je zahtjev za dostavu podataka uredno primljen dana 11.12.2024. godine, a da do dana izrade ovog rješenja Komisiji nije dostavljen akt Odjeljenja za javni registar Vlade Brčko distrikta BiH, Komisija je donijela rješenje na osnovu dostupnih, raspoloživih i vjerodostojnih podataka.

Imajući u vidu sve naprijed navedeno, Komisija cijeni da u konkretnom slučaju [REDACTED], [REDACTED] Javne zdravstvene ustanove "Zdravstveni centar Brčko" Brčko distrikt BiH, nije postupio protivno odredbama člana 20 stav (3) Zakona o sprečavanju sukoba interesa u institucijama Brčko distrikta BiH. Nosilac javne funkcije popunio je Izvještaj o imovinskom stanju, na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja - Aneks II, onako kako je to zakonom i propisano, tačno i potpuno. Uvidom u Aneks II, kao i poređenjem podataka iz navedenog sa podacima dobijenim službenim putem od nadležnih institucija, nije uočena nesaglasnost, odnosno, namjera nosioca javne funkcije da određene podatke iz Izvještaja

izostavi, sakrije ili lažno prikaže, odnosno, nosilac je Izvještaj popunio u skladu sa odredbama člana 19 stav (4) Zakona o sprečavanju sukoba interesa u institucijama Brčko distrikta BiH.

Slijedom navedenog, a na osnovu prikupljenih akata, dokumentacije i uvida u iste, utvrđeno je da [REDACTED], kao nosilac javne funkcije, nije povrijedio odredbe Zakona o sprečavanju sukoba interesa u institucijama Brčko distrikta Bosne i Hercegovine, odnosno da ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona od strane nosioca javne funkcije. Slijedom navedenog, Komisija je donijela odluku kao u dispozitivu.

**Pouka o pravnom lijeku:**

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik  
Komisije za odlučivanje o sukobu interesa

---

Admira Mujić, dipl. pravnik

**Dostaviti:**

1. Anonimnom podnosiocu, putem oglasne table,
2. Internet stranici,
3. Evidenciji i
4. Arhivi.